



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education

Broj: 11-05/01-34-51929-23/24

Sarajevo, 14.04.2025. godine

SKUPŠTINA KANTONA SARAJEVO

n/r Elvedin Okerić, Predsjedavajući Skupštine Kantona Sarajevo

Predmet: Odgovor na zastupničko pitanje, *dostavlja se*

ZASTUPNIČKO PITANJE:

Zastupnica u Skupštini Kantona Sarajevo, Vedrana Vujović, na 21. Radnoj sjednici Skupštine Kantona Sarajevo je podnijela sljedeće zastupničko pitanje:

„Odlukom o kriterijima za upis učenika u prvi razred srednjih škola Kantona Sarajevo, članom 17. propisan je potreban broj bodova za upis u srednje škole, koji definiše minimalan broj bodova koje učenik treba ostvariti prema utvrđenim kriterijima da bi se upisao u prvi razred određene srednje škole u Kantonu Sarajevo.

S tim u vezi, postavljam 2 pitanja:

- Po kojim parametrima, mjerilima. Kriterijima su utvrđeni minimalni iznosi bodova potrebnih za upis u određenu vrstu srednje škole?
- Koja je svrha neujednačenosti broja bodova za pojedine vrste srednjih škola i šta se time želi postići, imajući u vidu da bodovi za upis u bilo koju četvorogodišnju školu nisu isti?

Svjesna sam da ova praksa postoji dugi niz godina, i da u neravnopravan položaj dovodi srednje strukovne četvorogodišnje škole u odnosu na npr. gimnazije, te da ovo nije novina, od ministrice za odgoj i obrazovanje tražim usmeni i pismeni odgovor na osnovu kojeg bih formirala određene zastupničke inicijative“.

ODGOVOR:


Potrebna broj bodova za upis u srednje škole utvrđen je članom 17. Odluke o kriterijima za prijem učenika u prvi razred srednjih škola Kantona Sarajevo ("Službene novine Kantona Sarajevo", broj 11/25):

- u stavu (4) je navedeno da za upis u gimnaziju kandidat po svim osnovama mora imati minimalno 78 bodova, što odgovara prosjeku ocjena 3,9;
- u stavu (6) je navedeno da za upis u škole zdravstvene struke, Javnu ustanovu Srednja elektrotehnička škola, Javnu ustanovu Srednja ekonomska škola i zanimanje ekonomski tehničar u srednjoškolskim centrima, kandidat mora imati minimalno 71 bod, što odgovara prosjeku ocjena 3,55;
- u stavu (10) je navedeno da za upis u ostale škole za zanimanja u četverogodišnjem trajanju obrazovanja kandidat po svim osnovama mora ostvariti minimalno 63 boda, što odgovara prosjeku ocjena 3,15;
- u stavu (11) je navedeno da za upis u trogodišnju školu se ne utvrđuje potreban minimalan broj bodova.

Posebno, za upis u gimnaziju-sportsko izbornu područje, privatne srednje škole – gimnazije, Katolički školski centar – Opća-realna gimnazija, Katolički školski centar - Srednja medicinska škola, Srednjoškolski medicinski centar "European Medical College" ("Evropski medicinski koledž") i Školski centar "Mehmed Handžić", potreban je još manji prosjek ocjena obzirom da se određeni broj bodova dobiva po osnovu prijemnog ispita/intervjua.

Iz prethodno navedenog se vidi da potreban broj bodova za upis, koji se, pojednostavljeno govoreći, sastoji od prosjeka ocjena tokom školovanja u osnovnoj školi i uspjeha na ispitu eksterne mature, nije visok i da ne predstavlja prepreku učenicima da konkurišu u određenu vrstu srednje škole. Međutim, u praksi je, zbog izuzetno jake konkurencije, za upis potreban znatno veći broj bodova, npr. u većini gimnazija zadnjerangirani kandidat mora imati preko 90 bodova. S druge strane, postoje izražene razlike u broju bodova učenika u odnosu na vrste škola koje upisuju učenici, pa kako se ne bi stvarala nerealna slika kod učenika sa malo slabijim uspjehom da mogu aplicirati npr. u gimnaziju, napravljena je jedna vrsta skale. Ministarstvo naglašava činjenicu da propisani minimalan broj bodova istovremeno ne znači i upis u neku školu, nego samo mogućnost apliciranja u tu školu. Odluku o kriterijima za prijem učenika u prvi razred srednjih škola donosi Vlada Kantona Sarajevo na prijedlog Ministarstva za odgoj i obrazovanje Kantona Sarajevo. U pripremi Odluke, osim predstavnika Ministarstva, uključeni su i predstavnici Instituta za razvoj preduniverzitetskog obrazovanja Kantona Sarajevo, Univerzitetskog tele-informatičkog centra, Zajednice srednjih škola, kao i Vijeća roditelja učenika osnovnih i srednjih škola Kantona Sarajevo.

S poštovanjem,



Dostaviti:

1. Naslovu,
2. Evidenciji,
3. a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: mo@mo.ks.gov.ba